



جدوال قمبرچاين خطبه جمعة سيري 2022 /8

Bulan Ogos Tahun 2022

تاريخ	تاجوق	ب
5.8.2022M/ 7 Muharram 1443H	Hijrah Dirai Muallaf Disantuni	1.
12.8.2022M/ 14 Muharram 1443H	Jauhi Cinta Terlarang	2.
19.8.2022M/ 21 Muharram 1443H	Zakat: Keperluan Ummat Yang Ditohmah	3.
26.8.2022M/ 28 Muharram 1443H	Mensyukuri Nikmat Kemerdekaan	4.
خطبه كدوا		

فرچيتقن دبيايائي:



تليفون : 04-5498088



Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Y.Bhg Dato' Rosli bin Othman**
Ketua Penolong Pengarah Kanan, Sektor Pendidikan Islam, Jabatan
Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Zakat: Keperluan Ummah Yang Ditohmah

(28 Ogos 2022M / 26 Muharram 1444H)

الْحَمْدُ لِلَّهِ الَّذِي جَعَلَ الزَّكَاةَ رُكْنًا عَظِيمًا فِي الْإِسْلَامِ،
وَشَعِيرَةً ظَاهِرَةً لِأَهْلِ الْجُودِ وَالْإِحْسَانِ، وَعَلَامَةً تُفَرِّقُ بَيْنَ النَّفَاقِ وَالْإِيمَانِ.
وَصَلِّ اللَّهُمَّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ وَمَنْ تَبِعَهُمْ
بِإِحْسَانٍ إِلَى يَوْمِ الدِّينِ.
عِبَادَ اللَّهِ، أَوْصِيكُمْ وَنَفْسِي بِتَقْوَى اللَّهِ، فَاتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ
مُسْلِمُونَ، يَقُولُ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ
إِلَّا وَأَنْتُمْ مُسْلِمُونَ ﴿١٣﴾

SIDANG JEMAAH YANG DIRAHMATI ALLAH,

Saya menyeru kepada diri saya sendiri dan kepada sidang Jumaat sekalian, perbaiki diri dengan meningkatkan keimanan dan ketakwaan kepada Allah **سُبْحَانَهُ وَتَعَالَى** yakni dengan melaksanakan segala perintah-Nya dan menjauhi segala larangan-Nya.

Sebelum melanjutkan bicara, dengarkanlah adab-adab mendengar khutbah berikut. Pertama, jangan berbual-bual. Kedua, jangan bermain telefon bimbit. Manakala yang ketiga, jangan tidur dengan sengaja ketika khatib berkhotbah.



Semoga ganjaran pahala yang besar mengiringi ibadah yang kita tunaikan semata-mata kerana Allah. Pada hari yang berkat ini, marilah kita berikan sepenuh tumpuan kepada khutbah yang bertajuk: **“Zakat: Keperluan Yang Ditohmah.”**

SIDANG JEMAAH YANG DIRAHMATI ALLAH,

Pernahkah kita berhadapan dengan golongan yang sengaja mencari ruang untuk membuktikan kelemahan syarak? Sengaja mencari peluang untuk membuktikan setiap ajaran Islam merupakan satu ‘tekanan’ dan menyusahkan kehidupan?

Ya, golongan ini bukan sahaja tumbuh mekar di setiap kisah para Anbiyak di dalam Al Quran, bahkan masih terus bersuara pada setiap ketika sehingga ke zaman ini.

Dewasa ini sikap dingin terhadap hukum syarak seolah semakin mendapat tempat di kalangan kelompok masyarakat berfahaman liberal dan sekular. Dengan perkembangan teknologi tanpa batas dan sekatan, pelbagai fahaman yang menyimpang telah dan sedang disebarkan dengan mudah di kalangan masyarakat.

Bermula dari solat yang dianggap mengganggu kebebasan harian kerana 5 kali sehari terpaksa “lapor diri” kepada Tuhan, manakala Ibadah Haji juga dianggap membuang masa dan tenaga! Firman Allah dalam surah Taha ayat 1-2:

طه ﴿١﴾ مَا أَنزَلْنَا عَلَيْكَ الْقُرْآنَ لِتَشْقَى ﴿٢﴾

Maksudnya: *“Taa Haa. Kami tidak menurunkan Al-Quran kepadamu (wahai Muhammad) supaya engkau menanggung kesusahan.”*

Sebagaimana Al Quran bukan diturunkan untuk memberi kesusahan pada umat, demikian Allah سُبْحَانَهُ وَتَعَالَى tidak menjadikan syariat sebagai bebanan kepada manusia. Bahkan setiap rukun Islam termasuk zakat mengandungi rahsia dan falsafah yang indah di sebaliknya.

MUSLIMIN YANG DIRAHMATI ALLAH,



Institusi zakat juga tidak terlepas dari kritikan dan tohmahan. Ibadah zakat sering dianggap sebagai punca utama masyarakat menjadi malas, lemah dan hilang keyakinan diri untuk berusaha. Menurut fahaman mereka, zakat akan melahirkan masyarakat yang mundur dan pasif. Disamping itu institusi zakat juga sering dikritik, dituduh pecah amanah dan tiada sumbangan untuk membantu masyarakat.

Hakikatnya zakat bukan mendorong atau menggalakkan kemalasan, jauh sekali melemahkan umat Islam. Bukan semua pemberian akan berakhir dengan kelemahan. Buktinya, lihat bagaimana Zakat Pulau Pinang (ZPP) berjaya mengeluarkan ratusan asnaf penerima zakat daripada belunggu kemiskinan lalu mengubah mereka menjadi pembayar zakat tegar atau '*muzakki*'. Tangan yang dahulu menerima, sekarang menjadi pemberi.

Institusi Zakat Pulau Pinang (ZPP) umpamanya sentiasa berusaha dengan gigihnya ke arah matlamat ini termasuk menyediakan ruang-ruang kemahiran, kursus dan latihan, modal permulaan perniagaan, termasuklah modal perniagaan seperti *food truck*, kedai rakyat, bengkel usahawan dan bantuan asas tani.

Dari aspek pendidikan pula institusi zakat berusaha menyediakan bantuan bermula dari awal persekolahan sehingga ke peringkat Institusi Pengajian Tinggi (IPT) di dalam dan luar negara. Tidak kurang juga bantuan perubatan termasuk dialisis bagi golongan yang memerlukan.

SIDANG JEMAAH YANG DIKASIHI,

Perasangka pada hukum syarak terutamanya institusi zakat hanya berpunca dari fikiran yang diselubungi hawa nafsu dengan niat menafikan kebaikan dan rahsia Rukun Islam yang mulia ini. Masakan Islam sebagai agama rahmat dan penyelamat bagi seluruh alam akan membebani umatnya dengan syariat yang susah! Bahkan Islam sentiasa akan memudahkan umatnya dalam setiap aspek kehidupan. Firman Allah **سُبْحَانَهُ وَتَعَالَى** dalam surah Al-Hajj ayat 78:

وَجَاهِدُوا فِي اللَّهِ حَقَّ جِهَادِهِ هُوَ اجْتَبَاكُمْ وَمَا جَعَلَ عَلَيْكُمْ فِي الدِّينِ مِنْ حَرَجٍ ..



Maksudnya: “Dan berjihadlah kamu di jalan Allah dengan jihad yang sebenar-benarnya. Dia telah memilih kamu, dan Dia tidak menjadikan kesukaran untukmu dalam agama.”

Baginda Rasulullah ﷺ bersabda:

يَسِّرُوا وَلَا تُعَسِّرُوا، وَبَشِّرُوا وَلَا تُنْفِرُوا

Maksudnya: “Permudahkan jangan susah-susahkan, beri berita gembira dan jangan takut-takutkan.”

(Hadis Riwayat Al Bukhari)

Demikian saranan Baginda agar dimudahkan semua urusan di dalam syarak. Baginda juga pernah mengingatkan kepada Saidina Muaz agar jangan membaca surah terlalu panjang apabila menjadi imam kerana ianya akan memberatkan makmum di belakang.

MUSLIMIN YANG DIRAHMATI ALLAH,

Memandang serong teradap ibadah dan institusi-institusinya termasuklah institusi zakat dengan hanya mendengar khabar angin atau terpengaruh dengan dakwah golongan tertentu hanya akan menyebabkan umat Islam semakin ketinggalan. Usaha membantu asnaf dan golongan memerlukan hanya akan menemui jalan buntu jika sikap ini berterusan dan tiada kerjasama dari setiap golongan masyarakat dalam usaha melaksanakan zakat.

Untuk akhirnya, kesimpulan daripada khutbah hari ini:

Pertama: Jauhilah golongan yang berfahaman sesat dan sering mencela hukum syarak. Elaklah diri bersahabat dengan golongan ini agar fahaman mereka tidak menular di kalangan masyarakat.

Kedua: Institusi Zakat memainkan peranan yang penting dalam membantu dan menaik taraf asnaf dan golongan yang tidak bernasib baik. Mereka sentiasa dibantu untuk merubah masa depan mereka.



Ketiga: Islam agama rahmat kepada seluruh alam. Setiap ajaran Islam dan syariatnya bukan bertujuan untuk membebankan pengikutnya, bahkan sebagai tanda Allah menyayangi hamba-Nya.

قُلْ إِنَّ رَبِّي يَبْسُطُ الرِّزْقَ لِمَن يَشَاءُ مِنْ عِبَادِهِ وَيَقْدِرُ لَهُ وَمَا أَنْفَقْتُمْ مِّن شَيْءٍ
فَهُوَ يُخْلِفُهُ ۖ وَهُوَ خَيْرُ الرَّازِقِينَ ﴿٣٩﴾

Maksudnya: “Katakanlah (wahai Muhammad): Sesungguhnya Tuhanku memewahkan rezeki bagi sesiapa yang dikehendaki-Nya di antara hamba-hamba-Nya, dan Dia juga yang menyempitkan bagi-Nya dan apa sahaja yang Kamu dermakan maka Allah akan menggantikan-Nya; dan Dia lah jua sebaik-baik pemberi rezeki.”
(Surah Saba’ ayat 39)

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي
هَذَا ، إِنَّ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ،
وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن اوکوس

2022M/ 1444H

الْحَمْدُ لِلَّهِ عَلَى الْإِلَهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ ااعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ - عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نَبِيِّ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،



اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً
يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجَذَامِ وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.



Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُم لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ
عَلَىٰ نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٥﴾

